

Date – 08/09/2025

Time - 18:30 -18:40Hrs

AKASHVANI AIZAWL

REGIONAL NEWS BULLETIN

HEADLINES (EVENING)

1. Assembly Speaker Pu Lalbiakzama'n Assembly sessiona zawhna chhan tlai chu thil awm dan pangngai a ni tih sawiin, sorkar kal tawh nen tehkhinin ZPM kaihhruai hnuaiah zawhna chhan miah loh a tlem ber a ti.
2. Assembly Speaker Pu Lalbiakzama'n Assembly thutkhawm neih zawh taka Forest Conservation Ammendment Act (FCAA) adopt-na resolution chungchanga Chief Minister Pu Lalduhoma thusawiah thudik lo a awm lo a ti.
3. President Droupadi Murmu chuan India ram eibar dinhmun chu mahni intodelh leh rampawna thil thawnehhuah lamah sang tak thlen a ngai tih a sawi
4. GST thar chu Textile lama eizawngten an chhawr dawn hle.

<><><>

SPEAKER PRESS MEET

Assembly Speaker Pu Lalbiakzama'n Assembly sessiona zawhna chhan tlai chu thil awm dan pangngai a ni tih sawiin, sorkar kal tawh nen tehkhinin ZPM kaihhruai hnuaiah zawhna chhan miah loh a tlem ber a ti.

He thu hi vawiina a pisaa thuthar thehdarhtute a kawmnaah sawiin, Assembly Speaker Pu Lalbiakzama chuan Assembly session zawhna te chu mipuiten an aiawh a an thlanhhuahthe thil hriat duh a nih avangin pawimawh lo pakhatmah a awm lova, chuvangin mipuite thil hriat duh chhan loh a a awm lohna turin theihtawp an chhuah a, hetihruai hian zawhna te chu Aizawl Secretariat a hriat kim mai theih loh, District leh Block, Division, Sub-Division, Village level - khaw hrang hrang atanga lakhawm ngai te nih thin avangin a hun taka chhan hman loh te a awm thin a ti a, zawhna chhan tlai chu thil awm dan pangngai a ni tih sawiin, sorkar kal tawhah pawh a lo thleng fo tawh thin a ti a, Congress kaihhruai kum 2013 atanga kum 2018 inkara Mizoram Legislative 7th Assembly Session-ah khan zawhna chhan loh 23 a awm a, kum 2018 atanga 2023 inkara MNF kaihhruai Mizoram Legislative 8th Assembly Session-ah khan zawhna chhan loh 180 a awm a, kum 2023 atanga ZPM kaihhruai 8th Assembly Session kal mekah zawhna chhan loh 3 a awm tih a sawi a ni.

Byte: Assembly Speaker Pu Lalbiakzama

Speaker chuan Ministry hmasa lam felfai tak, tun ministry buarchuar leh fello em em ang a sawi chu a dikhlel ni a sawiin, Assembly Session neih zawh taka

member thenkhatin a tuka an tih tur an hmu tlai ni a an sawi chungchang chu sawifiahin, Session neih dawn hma ni hian a tuk a business tur te member tin hnenah pek thin a ni a. Session a zawhna awm te chu a tam tham thin avang leh zawhna leh chhanna hun te a rei loh avangin zawhna lut zing atangin pawh a ni thin a. Tunhma zawng chuan zawhna atanga chhanna awm tawh atanga pawh a ni thin a. Tun tumah khan ballot hmun a kal member te ngenna angin chhanna awm pawh awm lo pawh pawh vek a ni ta a. August ni 27-a zawhna chhanna thenkhat te chu a hma zan August ni 26 zan dar 8 pelh hretah dawn a ni a ti a. Chu chu copy 50 a siam a an buaipui leh chuan hun a lo duh ve leh deuh a. Zan dar 10 pelh hretah semchhuah a ni a ti.

<><><>

FCAA-ASSEMBLY

Assembly Speaker Pu Lalbiakzama'n Assembly thutkhawm neih zawh taka Forest Conservation Ammendment Act (FCAA) adopt-na resolution chungchanga Chief Minister Pu Lalduhoma thusawiah thudik lo a awm lo a ti.

Vawiina a pisa a thuthar thehdarhtute a kawmnaah Speaker Pu Lalbiakzama chuan House-a Chief Minister in FCAA 2023 duhlohna resolution, sorkar hmasa hunlaia an lo pass tawh chungchang a sawi danah thudik lo a awm lo a, danin a phut angin FCAA duh lohna resolution chu Chief Secretary hnenah pek a ni a, Lok Sabha pawh hriattir an ni a, Legislature lamin Chief Secretary a hriattir khan Mizoram sorkar tih tur a in tan chiah a, sorkar kalta khan hemi piah lamah hmalakna a neih hriat a ni lo a, hei hi Chief Minister in sorkar kalta khan hma a lo la lo tia a sawi lai chu a ni a ti.

Byte: Speaker Pu Lalbiakzama

Speaker chuan, House ah member ten an thurel reng reng an sawiho hnuah member te ngaihndan lak a ni thin a, FCAA adopt chungchangah pawh remti leh remti lo an awm leh awm loh chungchang member te ngaihndan a lakin, remti lo an awm loh avangin resolution chu lungrual taka pass ah a ngaih theih a ni a ti a ni.

Hei bakah hian Speaker chuan FCAA, 2023 Resolution chungchangah member ten inpuahchahna leh in zirna hun an nei lo ni-a an sawi chungchang chu sawifiahin, FCAA, 2023 Draft Resolution copy chu Session tan hma ni 7, August ni 20-ah hard copy in MLA te chu an chenna in ah pek vek an ni a, Mizoram Assembly website ah pawh dah a ni nghal bawk a ti a. Session neih hma in kar 1 a tla a, hemi chhung hian a duh tan chuan inpuahchah leh in zir hman tura ngaih a ni tih sawiin, an lo inpuahchah lo emaw an lo in zir lo emaw a nih chuan member te mawhphurhna zawk a ni a ti. FCAA, 2023 Act leh Rules copy te pek an ni loh chhan pawh sawiin, Session a Resolution lut reng reng te chu a Resolution content bak Act leh Rules te member te hnenah pek an ni kher lova, an zir duh a nih chuan tunhma pawhin member thenkhatten Library ah an ngaihven mai thin avangin Library section ah member te pui tur liau liau in "Members Reference section" siam a ni a, hei bakah hian public domain ah a awm bawk a, tu te tan pawh a website atanga download theihin a awm a tih a sawi bawk a ni.

<><><>

GST REFORM

BJP Mizoram President Dr K Beichhua chuan sorkar laipuiin GST a siamthatna chuan nasa takin ram ei leh bar dinhmunah hmasawna a thlen dawn tih a sawi.

Akashvani Aizawl zawhna chhangin, Dr K Beichhua chuan sorkar laipuiin GST a siam tha chu ropui a tih thu sawiin mipui nawlpui tan thil tha tak a ni dawn a ti a, GST siamthatna chuan India ram chhunga thil siam te a tam phah ang a, thil siamchhuahte chu ram mipuite din khawchhuah theihna tur leh nghet taka din theihna tura a hriat avangin ram hruaitute chu fakawm a tih thu sawiin, thil man a tlakhniam phah dawn a, mipuite pawh hetiang hi zirchiang tura a duh thu a sawi a ni.

Byte: Dr K Beichhua

Economics lama mithiam Pu Lalhunliana Ralte chuan Sorkar Laipuiin GST chhiah lak dan a siamthat avanga thil man a tlawm tawh dawn avangin ram mipuite thil lei a pung dawn a, ram mipuite chuan GST thar hi a taka hman hun an nghak thup tawh a ti.

Akashvani Aizawl-in a kawmnaah, Pu Lalhunliana chuan bungrua leh thil chi hrang hranga mipuite atanga chhiah khawna, GST rate chi 4 hman mek a awm tih sawiin, zaa 28, zaa 18, zaa 12, leh zaa 5 te a ni tih sawiin, Prime Minister Narendra Modi chuan thla hmasaa August ni 15-a Independence Day-a a thu sawiah, GST chi hniah siam a nih tur thu a sawi a ti a, America sorkar-in India atanga an rama bungraw lakluh atanga chhiah a tihpun hnuah India ram chhunga thil siamchhuah hralh tam chu sorkar laipuiin tul a ti hle a, hei hi sorkar laipuiin GST a siamthat chhan ni-a a lan thu a sawi a. GST tlawm chuan thingtlang khaw te ber thlengin a nghawng dawn tih sawiin, GST siamthat a nih avanga thil man a tlawm tawh dawn avang hian ram mipuite thil lei a pung dawn a, tunhmaa thil leitu lunghnur thinte kha a ti phur tawh dawn a ti a, sorkarin chhiah chunga chhiah lehchhawng cess a lak thin a awm tawh dawn loh avangin lirthei ke 2 nei chi te, car te chi te chu sing fe in a tlawm tawh dawn a, ram mipuite chuan GST thar hi a taka hman hun an nghak thup tawh niin a sawi a ni.

<><><>

PM VISIT PREPAREDNESS

Home Minister Pu K Sapdanga hovin karleh inrinna-a Sairang Railway Station hawng a lo kal tur Prime Minister Narendar Modi lo dawnawn dan tur leh hun hmanpui dan tur inpuahchahna thlirletna hun neih a ni a.

Home Minister chuan India ram state dangte leh Mizoram thlunzawmna tur Rel kawng pawimawh tak hawng tura India ram Prime Minister lo kal tur chu tha taka dawnawn a pawimawh thu a sawi a. Mizorama a cham chhunga hun hlawkthlak tak a hman theih nan, kalkhawmte chuan an mawhphurhna theuh, tha taka hlenchhuak turin a chah bawk a ni.

Vawiin thutkhawm ah hian Lengpui Airport, Sairang Railway Station, Thuampui Helipad leh Aizawl Lammual-a venhimna, chawlh hahdamna hmun, inkalpawhna tha leh inbiakpawhna, thutna leh Medical duty ruahman dan en ho a ni a. Prime Minister hmuha phochhuah tur thil chi hrang hrang buatsaihte en ho a ni bawk.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

PRESIDENT MURMU

President Droupadi Murmu chuan India ram eibar dinhmun chu mahni intodelh leh rampawna thil thawnychhuah lamah sang tak thlen a ngai tih a sawi. Vawiin Engineering Exports Promotion Council Platinum Jubilee lawmna New Delhi-a neih a hmanpuinaah President Murmui chuan ramchhung mipuite chu thiamna kawngah leh sumdawnna lamah India chu hmahruaitua siam turin a chah a. COVID hrilen laia ramchhung thilsiam chawilar Atmanirbhar Bharat thupui kha chhonzawm zel a ni tih a sawi.

<><><>

GST

Prime Minister Narendra Modia'n kumin Independence Day lawmnah GST chhuan thar hman a nih tur thu a puang a. Hei hi tun thla ni 3 a GST Council thukhawm chuan a taka rawn ti puitlingin chhiah lak dan chhawng li ni thin chu chhawng hnihah titlemin awlsam zawkin a rawn siam danglam a. GST zaa 5, 12, 18 leh 28 a lak thin chu zaa 5 leh 18 ah tihhniam a ni a. Mi naran leh mi nawlpuite tana hlawkna thlen thei tur berin he GST hi siamrem a ni.

GST thar hian ramchhungah lawm a hlawh hle a. Kan Correspondent sawidanin Textile lama eizawngten he chhiah lak dan thar hi an chhawr dawn hle a. Thil siamchhuahna leh a thawnychhuahna lamah an hlawkpui dawn bakah hna tam tak a sawhnghet dawn a. Man-Made fibres a GST zaa 18 a lak thin chu zaa 5 ah tihhniam a ni a. Union Textile Minister Giriraj Singh chuan textile hnuaia eizawna tam zawk chu zaa 5 chhiah lakna hnuaiah an dah tih sawiin hei hian rampawna thawnychhuah leh ramchhunga lei kawngah a hlawk viau dawn tih a sawi.

Textile Trader Sushil Garodia chuan hetiangah chhiah kalphung tihawlsam hian sumdawnge phurrit tam tak a tiziaawm dawn tih sawiin mipui a lo leitute tan pawh a hlawk dawn tih a sawi a ni.

<><><>